

MINNISBLAÐ 15. nóvember, 2024:

Ný endurvinnslustöð við Lambhagaveg 14

Helstu ákvarðanir stjórnar SORPU bs. og eigendahóps hennarvarðandi byggingu á nýrri endurvinnslustöð við Lambhaga 2017-2024.

2017

Stjórnarfundur SSH – 13.02.2017

Framkvæmdastjóra SSH falið að útbúa erindsbréf fyrir verkefnahópu um endurskoðun á núverandi fyrirkomulagi á rekstri endurvinnslustöðva.

Eigendafundur SORPU – 27.09.2017

Farið var yfir greinargerð og tillögur verkefnahóps um endurskoðun á núverandi fyrirkomulagi á rekstri endurvinnslustöðva og var samþykkt að vísa greinargerðinni og tillögunum inn í þá vinnu sem þá stóð yfir hjá SORPU vegna reksturs endurvinnslustöðvanna.

-

Niðurstaða þeirrar vinnu hjá SORPU, þar með talið þarfagreining, var kynnt á **stjórnarfundum SORPU**

27.10.2017:

„Stjórn hvetur sveitarfélögin og stjórn SSH til að taka næstu skref í takt við niðurstöðu hópsins. Staða verkefnisins verði kynnt sveitarfélögunum við fyrsta tækifæri.“

2018

Eigendafundur SORPU – 03.09.2018:

„Jafnframt var samþykkt að framkvæmdastjóri og svæðisskipulagsstjóri SSH kalli saman fulltrúa SORPU og skipulagsstjóra sveitarfélaganna til að greina í sameiningu kosti og möguleika á nýrri staðsetningu endurvinnslustöðva sveitarfélaganna í ljósi óhjákvæmilegra breytinga sem þarf að gera í núverandi staðsetningu.“

Eigendafundur SORPU – 22.10.2018:

Rekstraráætlun SORPU bs. 2019-2023 samþykkt þar kemur m.a. fram að:

„Stöðin á Sævarhöfða á að vika skv. aðalskipulagi Reykjavíkur og er gert ráð fyrir að ný stöð rísi við Lambhagaveg í staðinn.“

„Rétt er að hafa í huga að framsetning í áætlunum SORPU er ekki ákvörðun um fjárfestingu – ákvörðunin yrði alltaf tekin í samráði við eigendur. Hins vegar þykir rétt að gera grein fyrir fjárfestingunni í áætlunum SORPU.“

2019

Eigendafundur SORPU - 08.07.2019

Samþykkt er að stofnaður verði starfshópur sem falið verði að vinna aðgerðaáætlun með heildarlausn úrgangsmála á höfuðborgarsvæðinu að leiðarljósi. Aðgerðaáætlunin skuli liggja fyrir 1. október 2019.

2020

Eigendafundur SORPU – 06.04.2020

Farið var yfir kynningu er varðar framtíðarstaðsetningu endurvinnslustöðva á höfuðborgarsvæðinu. Lögð var fram tillaga um starfshóp til þess að vinna að framtíðarlausn endurvinnslustöðva.

430. fundur stjórnar SORPU – 09.07.2020

Starfshópur skilar tillögum til stjórnar SORPU:

„Vinnuhópurinn hefur komið saman og fyrir liggja tillögur um útfærslu á nýrri endurvinnslustöð að Lambhagavegi 14, kostnaðaráætlun og áætlunum framkvæmdatíma.“

2021

450. fundur stjórnar SORPU – 24.06.2021 Bókun stjórnar:

„Stjórn SORPU bs. leggur áherslu á ábyrga, aðgengilega, hagkvæma og umhverfisvæna meðhöndlun úrgangs. Endurvinnslustöðvar eru mikilvægur hlekkur í því verkefni og áframhaldandi undirbúningur nýrrar endurvinnslustöðvar við Lambhagaveg skiptir þar miklu máli. Stjórn undirstrikar því mikilvægi þess að verkefnið haldi vel áfram og að fyrirliggjandi tímaáætlanir gangi eftir.“

457. fundur stjórnar SORPU – 08.10.2021 Kynning á frumhönnun og kostnaðarmati. Stjórn SORPU bókar eftirfarandi:

„Stjórn SORPU tekur undir hugmyndirnar og heimilar áframhaldandi undirbúning og hönnun á grunni þeirra tillögu sem kynnt var á fundinum.“

Eigendafundur SORPU – 22.10.2021

Í kynningu á **fjárhagsáætlun 2022-2026**, sem haldin var eigendafundinum kemur m.a. fram að undirbúningur á byggingu endurvinnslustöðvar á Lambhagavegi sé hafinn og að drög að kostnaðaráætlun sé komin yfir 1.020 m.kr. Sævarhöfði muni loka 2023.

Niðurstaða fundar var að:

„Eigendavettvangur samþykkir fjárhagsáætlun Sorpu bs. Fyrir sitt leyti, og að fjárhagsáætlunin verði kynnt sveitarfélögunum. Þá verði stefnt að því að halda kynningarfund fyrir kjörna fulltrúa á höfuðborgarsvæðinu um fjárhagsáætlun Sorpu bs. Fyrir árið 2022.“

2022

473. fundur stjórnar SORPU – 21.10.2022

Stjórn SORPU bókar eftirfarandi:

„Stjórn SORPU samþykkir að fela framkvæmdastjóra að hefja undirbúning að útboðsferli vegna fyrirhugaðrar uppbyggingar endurvinnslustöðvar við Lambhagaveg í samræmi við þá frumhönnun og kostnaðaráætlun sem kynnt var í rekstraráætlun SORPU fyrir árin 2023-2027. Stjórn ákveður að vísa málinu til staðfestingar hjá eigendavettvangi SORPU.“

Eigendafundur SORPU bs. - 21.11.2022

Framhald umræðu frá eigendafundi 3. október 2022 um endurvinnslustöð við Lambhagaveg. Þá var málinu vísað, með bókun stjórnar Sorpu bs. 21. október 2022, til staðfestingar hjá eigendavettvangi:

„Samkvæmt fyrirliggjandi greinargerð með fjárhagsáætlun Sorpu bs. 2023-2027 er heildarfjárfesting vegna þessa 1,137 milljarðar kr. og fellur til að 40% hluta á árinu 2023 og 60% hluta á árinu 2024. Eins og fram kemur í greinargerðinni er fjárfesting í endurvinnslustöðvum ekki hluti af fjárfestingaáætlun samlagsins. Þess í stað verða ákvarðanir um slíkar fjárfestingar teknar af eigendum og undirbúningur og framkvæmd þeirra fjármagnaðar sérstaklega af þeim. Eigendavettvangur staðfestir fyrir sitt leyti bókun stjórnar Sorpu frá 21. október sl. en vísar endanlegri ákvörðun til umræðu og afgreiðslu sveitarfélaganna. Er stjórn og framkvæmdastjóra falið að fylgja málinu eftir gagnvart sveitarfélögunum. Er stjórn Sorpu bs. þá falið að leita hagkvæmustu leiða við fjármögnun í samráði við sveitarfélögin“.

2023

Eigendafundur SORPU bs. - 16.10.2023

Fyrirliggjandi er fjárhagsáætlun Sorpu bs. vegna ársins 2024 og rekstraráætlun vegna 2024-2028.

„Eigendavettvangur samþykkir fjárhagsáætlun Sorpu bs. fyrir sitt leyti þó með fyrirvara um að frekari útfærslu er þörf hvað varðar fjármögnun framkvæmda vegna endurvinnslustöðvar við Lambhagaveg og fjárframlag sveitarfélaganna vegna þeirra. Fjárhagsáætlun Sorpu bs. verði kynnt sveitarfélögunum af hálfu Sorpu bs.“

2024

498. fundur stjórnar SORPU – 04.06.2024

Stjórn SORPU bókar:

„Stjórn felur framkvæmdastjóra að halda áfram að vinna að fullnaðarhönnun húss fyrir endurvinnslustöðina við Lambhagaveg, til dæmis kosti þess að byggja að fullu yfir endurvinnslustöðina við Lambhagaveg. Slíkt er líklegt til að auka aðgengi íbúa að henni, sérstaklega þegar horft er til veðurfars.“